



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. De praemio atque poenis legis.

urn:nbn:de:hbz:466:1-29452

8 CATECH. C. CLING.

Iis est, id est, vult impleri spiritu, docet purum & castum affectum erga res & vxorem proximi: docet dilectionem proximi, ne offendatur vel in persona & rebus &c. Ideo Decalogus repetitus est in Evangelio propter internos illos affectus, & requirit veram Dei notitiam, fiduciam, timorem, & perfectam dilectionem.

At inquis: Cur Decalogus voce diuina reuocatus est, atq; in tabulis scriptus, quandò lex naturæ hoc ipsum docebat? vt enim oculis lumen quoddam diuinitùs est inditum, ità mentibus humanis est insita quædam notitia seu lumen quoddam, quo per se agnoscunt & iudicant esse vera: natura enim quadam homines vera & certissima agnoscunt, vt facere proximo quæ sibi fieri vñlit. Natura quoq; agnoscit quod sit conditus, quod habeat Deum iustū & nefactorem, &c. Respondeo, quia vitio originalis peccati, lex naturæ fuit plurimùm obscurata, ideo ut certior extaret notitia atque testimonium per verbum Dei, quæ homo faceret & non faceret, ideo fuit renouatus decalogus, vt certus fieret homo, hæc Deo placere.

3. Tertio, toti Decalogo additæ sunt promissiones & comminationes pœnarum, Exo. 20. dicitur: Ego sum Deus tuus, visitans iniuriam Patrum in tertiam & quartam generationem, scilicet hic temporaliter, non enim hoc intelligitur de æternis pœnis, qua pœna nemo punitur nisi propter proprium peccatum Sic Saul propter inobedientiam cum posteritate deletur, 1. Reg. 31. peccatum Dauidis etiam in tota eius gente punitur, 2. Reg. 12. Sic propter idololatriam Salomonis, regnum Israël distractum est, 3. Reg. 2. Sic tota domus Ieroboam propter vitulos aureos deuastata est, 3. Reg. 14. Sic vnum peccatum peperit infinitas calamitates & infinita peccata. Et hodiè punit Deus mundum errorib. bellis, dissipationibus re-

rum

rum publicarum, & alijs ingentibus calamitatibus propter transgressionem suorum mandatorum, sicut patet Deut. 28, Leuit. 16. Ideo magnitudo irae Dei aduersus peccata ponderanda est. Habent quoque precepta promissionem beneficentiae Dei, sicut Exodi. 20. faciens misericordiam in millia diligentibus me. donat enim Deus pacem, victoriam, fertilitatem, defensionem, felicitatem in consiliis & rebus gerendis, &c. Et quanuis promissiones Legis sint conditionales, & re ipsa nemo legi satisfaciat, attamen Deus approbat illam inchoatam obedientiam, propter Christum in quem credimus, & dat praemia pro illa omnibus, Matth. 5. merces vestra copiosa est in caelis. Deinde, quia Deus vult Ecclesiam suam in hac vita conservare, ideo dat varia premia hic corporalia: Exercet quoque pios, ut peccatum in carne mortificetur, attamen precipua praemia & precipuas penas Deus differt in futurum. Sic Christus promittit temporalia praemia, Matt. 6. Primum querite regnum Dei, Et 19. centuplum accipiet &c. Marc. 10. accipiat centies tantum nunc &c. Matt. 25. de negotiatoribus. Et Paulus inquit, pietatem habere promissionem presentis & futurae vitae, Tim. 4. Huc pertinent historiae regum deum timentium, Dauidis, Ezechiae Gedeonis, qui gloriose victorijs adornati sunt aduersus idololatras, sicut promittit Deus: Glorificantes i. Reg. 2. me glorificabo. Precipua autem praemia spiritualia, Psal. 90. quae nec auris audiuit, nec oculus vidit, quae preparauit Deus diligentibus se, in futuro manifestabuntur, i. Corint. 2. Esa. 64. Promissio denique annexa Decalogo, aut quod vult punire in tertiam & quartam generationem violatores, & in mille ostendere misericordiam, Exo. 20. haec omnia testantur, esse praemia bonorum operum &c. Nam lex suas habet promissiones & punitiones in eos, qui eam ait faciunt, aut negligunt, Deut. 28. Leuit. 26. Exod. 20.

A 5 Caput